



柳田文庫
文庫11
D 85
5



文庫 11
D 85
5

清容居士集卷第十

律詩 七言

元 袁 桷 撰

廉右丞園號為京城第一名花幾萬本右丞有詩
次韻

閉戶春深詩崇侵卷簾新燕掠清陰亭亭梅月能消酒肅
肅松風獨和琴新筍未容穿石徑落花時許補雲林主人
妙手隨機轉萬本姚黃磨紫金

禊日與剛中待制至廉園閉門不內駐馬久之復
次韻

雲鑲亭臺煙霧侵難將禊迹擬山陰花飛竹外疑紅袖水



010190555351

U8-12132

度松間白玉琴駐馬客迴迷遠路倚闌人在隔清林誰言
洞口無消息一見應須直萬金

送孫道士歸杭

送雁南飛十五年朔風吹雪上華顛梨花的的疑蝴蝶燕
子澹澹似杜鵑東野先生愁外句西湖處士夢中緣抱琴
獨去知無奈一棹春江水拍天

次韻王寅甫侍讀莅醮長春宮

飄飄笙鶴雨絲輕聽徹靈皦曲再成玉案香分花有影瑤
塔松暝露無聲九枝燈裏開真景三素雲中賀太平莫怪
錦袍衣袖冷還家從此羨長生

蛻骨棱棱似鶴輕觚壇危處玉爲成天街正候三能色雲
所疑呼萬歲聲氣篆通靈歸廓落心章祈歲報清平金穰
上瑞吾皇意不用神芝朶朶生

題張宗魯編修詩集

雁蕩峯寒晝飲冰碧雲爲構玉爲椽已除白髮三千丈疑
上瑤臺第幾層松頂露涼旋整鶴原頭火淨撇游鷹何人
妙解清新句剔盡風簷一寸燈

送李伯英秀才歸廬陵

黑頭徒步謁神州款款飛塵鬢已秋日暮競傳鸚鵡賦天
寒誰解驕驕裘雁聲未歇砧聲續燈影初銷月影流可是
親知畱不得故園清興起滄洲

次韻答周秀才

湛湛元雲起研山桃花爲色玉爲顏溟鵬水擊三千里天
馬風生十二閑芳草春濃堪試筆長空秋盡獨憑闌松階
翠影流如滴遲子攜書共往還

次韻成季灤陽見寄

客思如癡日似年晚風投幘思悠然看山不逐馬蹄去得
句時從雁足傳紅綠芰荷秋岸岸青黃蒲稗雨田田蓴鱸
有興愁無奈欲問渾河下水船

次韻陳又新

登臺底用惜春菲平楚微茫落照時燒後斷碑遺鳥跡耕
餘殘壁隱蠶眉泉分去路蕭蕭玉山聳歸雲簇簇旗駐馬
應須更搔首遠煙迴雁不勝詩

西湖空濛圖

舊隱湖山筆底收相從京洛意中游昏昏車馬飛花雨寂
寂鍾魚落葉秋千古登臨翻昨夢百年歌舞漾清愁何當
化鶴看滄海不用呼猿汲澗流

次韻張秋泉盆梅三首

萬里南來帶白雲低徊猶作自由身孤根鬻雪疑無伴冷
藥餐霞別有春頗憶西湖頻入夢不煩東井與生神相看
歲晚真清絕疑是瑤臺第一人

淡明閣裏江南樹老鶴翹翎似病身紙屋藏雲團白雪丹
臺朝日補青春蒼苔有恨悲山鬼翠袖無言倚洛神回首
空林歸未得淒涼相對獨關人

清容集卷十
三
華頂空餘萬疊雲獨將清影伴吟身虬枝欲挾窗前月驛
信能通塞外春底用施鉛鄰越女從教翦水恣波神碧虛
仙客清無奈畱作新詩故惱人

次韻仲章游南城二首

瑤閣雲深野馬昏分明日月引天門峯迴九鎖疑無路水
過三义別有村頗怪鶯花春不負卻嫌雞黍約誰存山童
閉戶茶煙暝客至從渠未許論

側身千仞苦不早愛此春從天際浮北雪西山憐我瘵黃
塵白日送君游翩翩目送雲中雁杳杳機忘海上鷗今古
登臨總陳迹倚闌何事起清愁

贈王君佐

精神映日碧芙蕖直節昂昂眾不如十載長安心似水一
官淮海食無魚少年已擬治安策晚歲何爲封禪書聞道
功名須皓首鐵冠簪髮莫嫌疎

送蕭立道歸天台

華頂雲寒人不到煩君爲上最高層天雞正叫三更日海
鶴曾餐六月冰客路微茫同脫木鄉情依約近歸僧還家
莫作採芝叟背負青天傲大鵬

送李景山使交趾

萬里雲南把一麾日南重見使車馳思家不作玉門表得
句擬題銅柱碑象譯舊傳周禮樂馬人遺俗漢威儀恍榔
溪驛疑飛雪樹樹梅花九月時

九日書懷

烏帽衝塵鬢漸皤黃花慵插獨婆娑
新霜去雁天機少落日歸雲雨意多
拄笏看山真我事持螯把酒爲君歌
登臺欲盡鄉關望一徑松陰長薜蘿

慰曾道士

積構層巔聳玉臺松花浮翠雪皚皚終然一笑騎鯨去可
是長眠化蝶來身外乾坤憐納芥壺中日月隘浮盃何人
欲問先天事隱几蒼髯換不迴

抵滄州先簡善之應奉

黃金臺上英賢滿白玉堂中步武新愧我清塵暗顏色羨
君碧眼曠精神春風未信看花少午夜應知視草頻北望

五雲開曉霽相思那得勝相親

送李彥謙赴西臺御史

百二山河驄馬游西風渭水思悠悠鶴翻古柏千年雪鶻
擊平蕪九月秋拄笏漢陵尋玉雁解鞍蜀道問金牛官曹
朱墨何時了一榻清吟是勝流

張虛靖園庵扁曰歸鶴次韻

招仙游館構亭亭萬疊松寒曉日青玉局講殘春換劫石
臺丹在草通靈紅羊赤馬悲滄海白虎蒼龍儼大庭爲愛
子喬笙鶴美月涼時許夜深聽

送華道士降香武當山

神君壽與玉皇同歲歲香傳第一峯龍虎使來紅日擁龜

清谷集卷十
五
蛇靈在碧苔封萬年松子天風奏九節蒲根澗水春博士
文工成故事石牀爲採玉芙蓉

送虞伯生降香還蜀省墓

玉雪祠官貂帽低笑乘飛燕上天梯寶幡繡重團金粟鈿
合香嚴印紫泥官饌每供千歲鹿驛程淡聽五更雞流沙
可是河源地搖首揚鞭更欲西
丞相墳前雙闕摧泉聲隱隱柏崔嵬金牛已向秦中去銅
馬空傳渭上來叢竹雨畱銀燭淚落花風颺楮錢灰百年
華表塵千劫聞道曾孫始一回

再次韻

振衣千仞笑雲低捫厯星辰履劒梯度坂政須三尺筆入

關應笑一丸泥神君祭重祠青馬墨客才工頌碧雞萬里
遨頭端不負花開緩醉玉東西
閣道新年舊石摧望鄉使客意鬼鬼犀牛坐見降王去杜
宇聲隨望帝來三朶錄成魂有燐五丁神泣劫揚灰推醜
欲作鄉鄰會揮手先催弩矢回

三次韻

觸石危藤壓路低哀猿送客上丹梯一百八盤雲亦雨二
十四番花似泥解佩浮游憐野馬振衣亭育聽天雞拾遺
已去武侯遠空戀祠堂與漢西
時平弔古莫心摧去驛斜陽指馬嵬曲曲松陰隨帽轉層
層山影入杯來草元有意池畱墨觀象無心筋畫灰爲問

丈人今在否青牛穿嶺日千回

送王繼學修撰馬伯庸應奉分院上都二首

玉京高處雪流脂連插雞翹綠鬢垂蹀躞有泥歌獨漉琵琶無夢說相思黑河舊樂催填譜白海名花擬進詞羽獵上林俱罷賦卿雲何以報明時

淺坡平疊磧漫漫拂嶺青帘罨畫看瓊屋起營羊胛熟土房催頓馬通乾捫官走驛傳金椀冰正分奩貯玉盤莫上鄉臺望南北白雲微處是槍竿

寄王儀伯太守

維揚太守文章伯故壘荒煙取次題逆浪風高淮白上寒沙雲落海青低極知后土花如雪不惜平山醉似泥跋馬

使君官驛畔揚鞭卻在夕陽西

壽劉承旨

茲審齡開希有文潤太平玉杖造朝樂堯堦之化日
銖衣拂石歌舜殿之薰風壽擁靈椿歡傳故梓敢陳
善頌庸贊令辰

棱棱鶴髮暎方瞳玉帶桓圭一品崇禁署清名行世久高門盛德與天通升堂衣竝老萊子做國詩傳衛武公共道榴花宜結實綠陰濃淡駐杯中

孟習卿都事母八十歸省關中其家四世科第祖
十五當金匱時舉進士終待制

鶴髮初開九九年東西雙鳳集庭前

乃兄官燉煌亦歸壽母篋藏龍

瀟容集卷十
榜金花淡案捧鸞書鈿軸鮮竹筍清甘宜夕饌萱花芳遠
傲春妍風流文物關中舊點檢諸孫射策編

送李元章宰陝縣

稅冕觚壇匹馬歸冥鴻斜日悟天機明時法律心常鄙小
邑茲歌願豈違潁水初霜黃葉下華山新雨碧雲飛當今
人物須公等行見鋒車入帝畿

次韻李伯宗苦熱

庭院無眠夜氣淡繁星閃閃漏沈沈祝融燠火翻初劫姑
射疑冰易舊心角枕雲蒸紋欲斷蠟燈煙暖淚難禁蕭騷
忽作還家夢翠木扶疎萬竹森

次韻程士安睡鶴

疏翎慵受朔風侵谷口雲歸自在心蜨化不知人事改蟻
酣空憶世塵淡珠宮胎息天濤靜寶所神游斗柄沈何事
驚鳥繞林樹月殘衝曉議晴陰

次韻陳海陰

三月雪花飛作瓊春風似欲駐新年夢當好處成烏有歌
到狂時近自然村樹綠齊黃鳥界海山青盡白鷗天何人
會得龐公意布領長披不上船

次韻院長退朝書懷兼送李元章廟令三首

踐阼篇陳夙致齋明良慶會叶榮懷南山豹聳文章潤嶰
谷凰鳴律呂諧黃閣規模淡倚注金鑿人物費推排夜光
照坐羣傾動誰道驪龍左耳乖

清容集卷十
朝迴淡坐碧雲齋無限家林入素懷整頓乾坤新禹貢翦
裁冰雪舊齊諧觚稜望日紅蓮擁蹀躞看山玉筍排魚水
政親那棄得白鷗相對莫相乖

會着蟬冠會宿齋陽春玉雪映澄懷黑頭瑞世須奇遇白
眼論交自寡諧驥裏當堦身獨障有乘馬入廟門者叱出之舍桃薦廟
手親排蕭蕭匹馬投山縣人事相摧似好乖

題鯁齋

蒙蒙眇眇傲滄溟羞殺任公夢未醒寄館蠅鬚猶綺靡淡
藏黍粒獨清寧掌中旋舞憐飛燕案上能行笑巨靈惆悵
九衢長劔客駢肩堂下慕遺腥

送東平程太守

泰嶽巖巖鄆水清分符投老得安榮百年禮樂維時舉比
屋衣冠合旦評馬鬣舊封蒼檜老龍鱗古殿綠蕪平高唐
路近羊生泣東望憑公爲寫情

送周南翁分刺池陽

柳亭松露十分甜秋浦天青雁拂簷黃葉滿庭君吏隱白
頭掩卷我郎潛風催帆影迷紅蓼江送歌聲入畫簾惆悵
九華金碧洞謫仙人遠月纖纖

次韻雙頭菊三首

袖舞西風大小垂駢頭容立傲霜姿步搖高擁車同入笑
靨初鈿坐共移素質斷金疑竝蒂閒情餐玉喜浮眉蓮池
睡冷鴛鴦起似怨秋聲有恨離

清容集卷十
碧雲低壓玉繩垂鸞鵠交翔表異姿白帝司秋金已肅黃
人捧日馭初移藥宮罷講扶雙髻桂館霜餘卻十眉剩掃
雕梭兒女態象中明兩見黃離

空庭雲盡露珠垂翠羽交分大雅姿氣服中黃心獨苦光
浮大白眼爭移智瓊有約徒誇額京兆多情卻畫眉桃李
爭妍真不遜故畱雙玉伴支離

閻阜山青玉軒晦庵容齋諸賢觴詠之地虞伯生
作記吳成季令賦詩

江南琳館蕭閒地一一新文付集賢真誥總傳天外語禁
經未數酒中仙步虛巖近琅玕響禮斗壇空薜荔緣諸老
會文題詠絕誰鳳背續離弦

題揭曼碩詩卷

淡湛妙思筆鋒收的的冥鴻楚岸秋直以紫芝招綺夏擬
將白羽定曹劉松濤夜漲驚金谷花雨春濃爛錦洲此意
徊徨人未識期君翫月上南樓

送衛大隱回錢塘衛清叔曾孫

諤諤中丞骨已仙滄洲漁火起寒煙魏公賜宅猶傳笏元
子磨厓可賣錢夜雨鼠鬚編素業春風麈尾話行年西湖
雲鎖梅花凍休浪狂歌酌酒船

送華道士住宗陽宮

黑髮祠官佩水蒼萬松淡處對虛皇黃柑有法能爲酒紫
木無飢可當糧招鶴舞虛山月冷檄龍吹雨海天涼瑤池

欲問長生事汲澗研朱寫綠章

剪刀草

手截溪流護翠苗層陰淡蕩碧雲嬌秋風玉殿釵留股晴
日朱筵舞折腰眉缺可能分燕尾頂荒猶解插雞翹翻思
往歲南方厄羣采空陂恨未銷鳥莖一名剪刀一名燕尾
爾雅芍是也南方饑歲採食

馬伯庸擬李商隱無題次韻四首

金縷歌殘月滿江玉顏曾憶侍油幢象牀雲重恩專壹鯨
錦波翻賜疊雙春淺正宜氈作幕夜涼淡恨魴爲窗浣沙
可是無靈匹側足寒溪濺石淙
翠簾匝匝護朱光千葉宮桃滿院香闥苑有鸞通尺素靈

橋無鵲寄流黃上林賦罷歸巴蜀興慶詞工謫夜郎不是
月中親度曲世人那解聽霓裳

相期心似石城潮日望晴虹結彩橋卻月眉愁歌漸遠凌
波步近意非遙抽琴有恨迴清角疊袖無塵轉綠腰弄玉
最憐隨鳳去秋來誰與伴吹簫

白髮詞臣兩耳垂華諛堆笏陋牛醫宮娥引燭催麻日院
吏傳更寫制時蠟撚化生秋夕賜翠標疊勝歲華移低頭
欲說唐朝舊願侍虛皇進玉卮

送浦如淵辭官南歸

厭聽朝雞擁被吟吳船水滑碧千尋平洲種橘清霜重小
墅栽花綠霧淡瞿鵲真能談孟浪鳴夷端自愛浮湛因君

搖蕩還家思燭影秋房恨不禁

送李公敏薊州之官

幼着儒官佩楚蘭文章元不給飢寒風前野馬停盃卻天際冥鴻拄笏看作計政須千樹栗養生那用九還丹偏州事簡登臨足花下題詩更倚闌

劉婦表門

王中丞妹

空林露下菊無馨玉雪淡闌養暮齡河水汎舟雲耿耿湘潭鼓瑟雨冥冥夜燈孤雁鳴何切古鏡離鸞舞已停晚歲不須多感慨雙楹高亞柳枝青

永新 氏義門

銀髮棱棱鶴骨尊舊傳庭誥付諸孫要同公藝書芸館還

擬自倫標楔門春酒緩歌常棣雅夜燈淡候鵲鴿原他年欲向廬陵客詢是瀧岡第幾村

送柳唐佐出守懷孟

甬道塵淡曉倦趨河山環抱暫分符花開屬縣詩頻賦竹暗名園酒易酤積雪翠峯通小有祥雲朱邸接虛無寇恂可是專河內入覲應須馬疾驅

次韻大亨待制賦院中御馬纓花

華林清切謝塵纒坐閱朱英不下堂九就當宵猩血淺六騶飛翮雁行長擎天力重朝承露向日心專夜斂香清蔭政須容小草肯同羣卉鬪妍芳

賦文子方篔簹亭竹影五首

簞簞亭裏畫天然穠淡疎明筆有元水底青蘋羞宛轉月中丹桂妬嬋娟錯刀側布難為贈鈎鎖橫陳不受填午夜碧窗人獨坐分明清派出丹淵文與可號丹淵集瑣窗午色墨花鎔側側低低隔面濃日暝黃離金瑣碎雲開白賁玉瓏鬆蕭疎忽印青禽獨旖旎疑分翠羽重二子定知忘食色高齋今喜見遺蹤

霧縠禪衣綉翠裳倚風蕭瑟轉琳琅縱橫直欲攻堅白濃淡渾疑搨硬黃劒氣低昂動天地神光離合勾陰陽陶生久矣知形累歲晚沈冥託贈章形贈影

元覽功深萬化遺一窗光透白差差梳風櫛雨呈千手卻月橫雲鬪十眉形蛻已忘身有累神交應許我相知暗中

摸索誰消得阮籍途窮眼未眇

朔吹南塵久避招閉門白醉獨逍遙玉淵龍起鬚騰擲銀箔蠶登繭動搖露井珠輝湘女淚雲屏翠暈沈郎腰象中直欲窺參伍何學紛紛个字嬌畫竹家忘个字

栗氏玩芳亭

納納羣芳入小亭嵐光霧彩思沈冥飛花成列粘碁局高樹參前列畫屏鶴避晚煙茶半熟鶯啼午日酒初醒春風可是饒紅紫一片蒼痕眼倍青

送牟景陽信州監征二首

風帽霜鞍絳闕邊晚隨陽雁度新年榻前諫笏家猶寶架上經箱客總傳世事不知蒼狗變機心端與白鷗眠冰天

車碾淮南路痛嚼梅花一惘然

上饒山蔟水精屏江左諸賢冢樹零鬼谷橋寒松化珀仙
巖土暖草通靈丹鉛有法供烹煮筍蕨無租給使令盡道
中年多作惡相看鬢影各星星

送巨德新四川省郎中

金鑿清密簿曹稀挂笏看雲數雁飛蜀省地尊卿月重漢
江家近使星歸草堂舊詠迷陳迹石室殘經臥落暉戰壘
已從芳草換未妨晴雨眺摩圍
退食公庭日未西浣溪清雨換障泥籌邊舊式傳銅馬弔
古新詩問石犀荔子綠陰鸚鵡過杏花紅影秭歸啼遨頭
雅集須頻領不惜鄆筒取次攜

送樂德敬甘肅儒學提舉二首

磅礴坤輿總帝圖手提文印化沮渠旋宮更問涼州譜尙
右時通梵國書枸杞夜號端入驛蒲萄秋落易盈車飛沙
斜日頻回首歸雁相迎亦惘如

月支城下泉如酒祁連山前雪似沙虎頭萬里飛驛埃蜨
夢五更驚塞笳范老籌邊心磊嵬李王堅壁骨槎牙白頭
太史欲歸去時立東城數暮鴉

示從子瑛

聞子欲通靈寶祕天台洞客眼淡青弄丸底問月消丙服
食那能老復了隔竹引龜心有想按圖索驥術難靈吾衰
端有先天易不用山中採茯苓

送玉笥山聶道士

五月凌風龜殼船梁山淡灤白鷗鮮神清似飲金莖露病
已何須玉井蓮墨閣小春刊畫錄碧窗新月補瓊篇相親
每憶相忘處北望歸鴻倍惘然

大史人日立春子昂承旨賦詩次韻

鳳歷調元二節并泥牛華勝得相迎翦花欲擬丹心巧縷
菜淡憐白髮生日轉扶桑瀛海曙陽迴析木歲華明登高
可是無芳思歸雁南來倍客情

帝京節物喜相并挾日晴暄淑景迎鳳輦雲開人共仰烏

輪海轉子初生是夜亥正立岸容梅柳風光動澤腹魚龍

水氣明誰惜玉堂春晝永汗青無補若爲情

書懷寄從子瑛二首

越公舊築鄞江宅風捲飛花劫火新子竟尋真餐白石我
方作史玩青春金張螭綬本欺世王謝烏衣亦可人誓墓
政須堅晚歲雙峯擁髻碧嶙峋

當年羣從玉參差炙轂談天不數奇翦葉舞空山鬼泣唱
籌量日歷人疑淡春柳下爭飛騎小雨花前鬪弈碁我最
少年唯閉戶篝燈煮藥學題詩

送李仲困雲南憲使

鋒車春倚少城邊上冢還家思惘然就日雲低天尺五圖
南路近里三千相如作使文如綺諸葛籌邊筆似椽自是
蓬壺舊仙客望瀛新曲雁飛傳

送馮士啟淮東憲司幕長

遠涉江湖奉板輿，離亭柳色易枝梧。
英標共擬崑山玉，符采堪鄰甃社珠。
土竈煙高溼黃葦，沙溝水淺漲青蒲。
煩君敏手須朞月，天際回朝認鳥鳧。

送李仁父歸高安

枝藤雙屐玩青春，廿載登臨筆有神。
東海競傳垂釣客，南山曾恥上書人。
解凌水滑千帆直，禁火煙消萬柳新。
從此閉門聞見絕，高齋顏樂養天真。

送王繼學御史分司汴省

松階竝對影參差，君竟乘驄佐聖時。
每恨同情不同調，可堪相送復相思。
楚山春夢行雲識，汴水秋聲落葉知。
我老

江湖盍歸去少畱定刷錦囊詩

院長有子在外從，許州募得之院中。
率賦詩
袞繡門楣五色新，明珠還浦竟相親。
月中顧兔分傳的天上麒麟，抱送真仙。
李蟠根元指姓露桃食實始知春，青箱萬卷能傳業，佇看它年演世綸。

題東平張善父野堂

泰嶽當軒積翠環，野堂高築稱身閒。
淡春藤榼花溪醉小，雨芑鞋藥市還九老尋盟歌窈窕。
諸孫勸壽舞斑斕，客來欲說人間事，松滿疎簾月滿關。

贈姑蘇陳生

絲東昌遇大水買舟渡避水者二千得官

清秋水落渺無津，河伯登林竈有鱗。
用力定知非一日，論

功何止活千人放龜晚歲川如掌渡蟻當年筆有神堪笑
乘輿溱洧者孤舟空艤竟摧輪

送鄭景尹游麗水

冰雪長身暎漆瞳峇堯淡處珮青葱碧窗讀易猿啼樹石
洞題詩鶴舞空強項政須消世慮折腰元不爲身窮玉堂
倚馬須英俊佇看鵬程振祖風

次韻院長新製安車

禁路縈迂雪護沙老來丞相許乘車向推紅日頭如葆今
看青天眼未花馬識輪聲嘶外廢鶴追轍迹過仙家似聞
相杵新堤曲歷錄催朝扈翠華

送張道士降香龍虎山

天香歲歲下名山雪浦春融作使還鶴引老樵渾碧眼燕
迎舊主的朱顏雲浮玉佩身疑舉霧結層樓手可攀暇日
須回侍郎宅好題修竹聽潺潺

饒州張待制之族孫

寄貫酸齋侍讀

解珮瀟湘已廣騷因風更望子胥濤身輕舊食青精飯思
遠新貽金錯刀紅蓼秋清堪數雁黃橙霜熟且持螯龜趺
林立嚴題品得意那無一字褒

次韻蓬萊暢師

西山秋冷雪皤皤駐馬頻聽出塞歌短艇水生歸雁急故
園春盡落花多登山見月雲光淡坐石臨溪樹影叢海上
故人機事息詩來勸我老漁蓑

次韻天童岫禪師

太白峯高積翠明老禪的的寄溪情相思沙磔唯懷璉獨立鄉臺近子卿舊業久荒松露立浮名空眩槿朝榮定須結社修真隱寒月溪燈了梵經

吳門頰上人年甚少訪余田舍且惠詩次韻

草舍苔溪徑已荒何人着履試初霜飲冰喝石精神聳煮茗跑泉齒頰香愧我歲窮驚浪走愛君年盛鄙清狂古松流水平生願後會蒲團共燭光

冀寧徐母表閭

月落孤幃霜滿墀篝燈淡護襟中兒肯爲別鵠相思操得見慈烏返哺詞槐柳拂雲森宅里芝蘭擁砌映門楣高堂

釘坐雙眸爛時說初年涕淚頤

清容居士集卷第十

清容居士集卷第十一

律詩 七言

過揚州憶昔六首

令威化鶴千年返
列子御風旬日游
已信銷沈同此意
莫將寂歷起清愁
江流今古空陳迹
山色有無知幾秋
赫赫當年成底事
斜陽明滅隱滄洲

漢東之國古隨州
一老昂藏死卽休
黑髮虎頭真骨相
青春塵尾鬪風流
人言謝傅爲朝鎮
誰信鍾儀作楚囚
浩蕩乾坤納今古
好將汗簡寫千秋

空遺蒸壤白如銀
不見當年指畫因
高視漢庭無出右
清

談洛學竟成真極知羽扇爲癡具更恨烏衣是偶人六合
車書端有意百年荆棘已生春

蕭蕭凍雨濕旌旄猶著殷紅舊戰袍金盃昔聞歸馬埒牙
牌誰可信龍韜樓頭換箭鼓聲急堂上傳盃歌韻高到底
姦雄有真態木綿庵畔鬼車號

連檣米艦接江湄鞭撻東南力已疲虛籍漸成藩鎮侈辟
書時被廟堂移清風號野黃蘆淨亂雨傳更畫角悲從此
甲兵端不用書生有味老清時

四城賦擬張衡麗十鑑書同賈誼哀公有四城賦腹裏春

秋納雲夢案頭今古起風雷青衫不受折腰辱舊尉慈溪

文翁白劫去白眼豈知徒步回乙亥間舟泊城南更回首寒風吹

淚下天台此詩屬胡懷寧三省

觀物

黃河不信從天下濟水那知有伏流自古乾坤合神化空
將簡牘費冥摻張華博物身終死鄒衍談天舌竟休我亦
從今銷綺語春風碧眼玩沙鷗

客中端午簡善之

海城紅憶石榴新海子空看芍藥春節物似憐游宦客風
埃終媿醒吟人已無蒲酒澆清恨那用蘭湯浣素塵健羨
南坊鄧供奉團欒圍坐笑歌頻

再次韻

尚憶山城節序新榴花疑是十分春田園處處祠蠶祖折

以端午祠
蠶定絲價
門戶家家插艾人可怪詩書成白眼卻從車馬
識紅塵思家那似攜家樂尊酒招邀莫厭頻

次韻酬王參議

槐陰散髮亭亭午花影持盃拍拍春佳節擬酬懷古意清
風不礙笑雲人光陰滿眼消黃爛世事忘言煮綠塵相望
江湖知已久相親杖屨莫嫌頻

玉堂合歡花初開鄭潛昭率同院賦詩次韻

一樹高花冠玉堂知時舒卷欲雲翔馬嘶不動游纓聳雉
尾初開翠扇張舊渴未須餐玉屑嘉名端合記青裳雲窗
霧冷文書靜畱取餘清散遠香崔豹古今注青裳一名合
歡今但名合歡而青裳之
名不
著

笑壓春菲綠滿堂翩翩清暑獨高翔錦雞朝日輕霞吐彩
鳳舒雲密翠張中散舍傍銷綠綺婕妤扇底泣黃裳芭蕉
可是無情思一展隨風不解香
風流一老笑烘堂解佩看花欲共翔夜露未晞歸翼斂朝
陽初旭怒髯張霧窗不用青綾被天闕誰縫綠縹裳朱槿
黃葵效開斂爭妍那得有清香

次韻鄭應奉苦雨

漏天有術那能補息壤無功不願豐漠漠雲陰來委羽昏
昏水氣接垂虹吳門水
蓄尤甚車塵已逐油泥黑龍火渾疑野燒
紅萬里乘除同此意相看咄咄且書空

觀閒閒齋紅梅次蘇公姿字韻四首

莫恨飛瓊花信遲相看冰雪已芳時
藥珠霞補春風面夢綠雲開旭日
姿骨相未須嫌火色精神真欲傲
冰肌何人瀟灑紅綾裏巧暈輕煤
畫折枝

臘底飛霏瑞已遲天將絳雪報清
時施朱可是良工手補袞端歸大
雅姿溜溜溫泉傳賜浴斑斑辱并
愧淪肌閉門已覺寒如許迴首江
南竹外枝

雲閣香溫睡覺遲不堪殘角曉鐘
時玉妃瓊屑難爲從青女鉛華敢
弄姿可怪鮫綃能幻色誰將猩血
解填肌團團似就迴文錦薄暮凝
愁下翠枝

筆底冰清落句遲花神已報艷陽
時疎明不作顛狂夢嫵媚猶存諫
諍姿酒力衝寒端著臉枕痕破曉
欲侵肌道人

不愛人問色乞取初開第一枝

壽善之

二月柳青春滿枝十分蕉葉不須
辭黑頭政謝赤松子碧眼故憐黃
口兒玉井蟾蜍吞暗浪錦袍蛺蝶
舞游絲雲窗松暝文書靜蚤晚行
修野外儀

次韻仲章游長春

積翠中天下土昏坡陁淡處轉金
門松間不遇采芝客雲裏空憐打
麥村華表鶴歸城已換滄洲人去
柳空存高堂靈骨疑金鑲應許重
游得細論

八極端能合寸眸丹梯危盡覺身
浮手持玉笛誰爲贈背負青天我
獨游山影西來疑駐馬雲光南去
似輕鷗人間

底用重迴首樂極無愁果有愁

次韻仲章舟中思南湖

綠陰濃處彩毫揮忽憶春殘理棹歸約略晚花圍錦幄招
邀稚筍試斑衣長年客影如雲度五月湖光似雪飛從此
清林供笑傲莫看迴鴈損天機

再次韻

到手清觴不用揮滿川帆影逐風歸花前自憶堂前竹道
上重看身上衣虛牝鳴秋通澗急伏雌驚曉隔林飛還家
絕勝從游樂只恐雲窗趣斷機
倦客慵將塵尾揮倚篷日日聽催歸澄波自映烏紗帽小
雨淡憐白紵衣花徑春殘人獨立松林雲冷鶴孤飛相思

此地今如許萬里重迴且息機

次韻仲章過彭城

山影涵青蔌蔌來周遭城角漸低回梁分曲直雙龍下水
合縱橫萬馬迴鑄冶已銷游子俠登樓誰負謫仙才淒涼
正字寒如許萬疊蒼雲鎖翠苔

仲章詩律大進數日道中論詩亦頗相合復次前
韻以勉之

氣摩屈賈欲平揮格律論詩要有歸石髓定成千歲乳藕
絲空綴五銖衣寒原草盡蒼鷹攫涼月松陰白鶴飛從此
窮河天已近還家何用託支機

仲章詩律已入唐人風調而下語猶未馴安殆類

清客集卷十一
三十八七
禪人過橋斷橋之意近世學者類有此失仲章德業遠大當不若是此殆其弄翰也次韻

落落懸河巧發揮盤渦洄洑竟東歸苦心欲寄千年簡妙語誰傳半夜衣野馬功名甘卻走雕蟲翰墨愧橫飛多言要是平生累瞪目相忘杜德機

玉色橫陳羽扇揮江湖邂逅似忘歸終憐古調難爲瑟誰信天香不染衣汀草弄妍成背怨山雞照影惜分飛鮫人雨夜珠成滴清曉知裁第幾機

平生俗客手曾揮愛子清新欲倦歸北闕正鳴蒼玉佩南湖空製芰荷衣麒麟瑞世非關走鷓鴣呈空不爲飛薄宦政須成吏隱莫將奔逐墮危機

舟行將次淮南行復敘別而仲章歸程可還家作
端午次韻述情

曾憶登舟送客揮艱難何事獨南歸楚鄉水暖沈菰黍江國雲淡潤葛衣坡筍綠迎馴鹿過海榴紅駐小鶯飛笑顏已極誰爲語絕倒無嫌似陸機

中秋次韻貴白

桂子香飄露濕巾廣寒疑使月爲賓流螢不受十分采過鴈眞成一點塵吹徹梅花天外思飲殘竹葉夢中身靈河自有乘槎便擬轉神山閱爛銀

寄王參議

輞川新樹綠勻勻睡起慵軒岸葛巾穿石養魚迴小隱盈

缸釀秫補長春曾藏醫國三年艾天傳與家一角麟蒼狗
白雲今已定不應談笑卷經綸

玉堂文杏合歡枝共說仙翁賦有詩日暮團團空翡翠雨
寒點點自燕脂塗鴉舊詔追遺事揮塵清談補雅詞千古
襟期誰與共相親那得勝相思

泊支家口望瓠山僅一舍復寄

天平水闊鴈參差下有高人坐不移懸榻定知延孺子汎
舟無奈似微之晴雲滿塢開新畫落月穿梁想令姿眼底
憐才誰復近裹糧端擬話心期

次韻應德茂寒食見懷

寒食光陰君莫游亂花羞別古枝頭山家蠶浴雨穿屋海

步魚腥浪蹴舟楊柳飛時疑是老杜鶻啼處不緣愁詩來
未盡相思意刁斗寒清月過樓

次韻史猷父春游夜歸

畱取餘春伴白頭落花如雪翠如流提壺不用頻沽酒垂
柳偏能獨繫舟過雨月開雲母障隔湖燈映水晶毬還家
已覺衣裳冷遙聽鐘聲是竹洲

戲贈黃仲正

好花不受丹青鑄碧眼難將白黑分萬里宛駒出龍種十
年野鶴異雞羣知卿未盡才難數酌我母多酒易醺午夜
池塘有新夢好將色筆寫春雲

再用韻答仲正

愛子十年燈火勤，相看不惜錦機分。
飛花映水空憐色，去鴈出雲終念羣。
一寸春霏生遠思，五更清夢了殘醺。
詩來陡覺秋濤袞，海嶼青飛片片雲。

泊彭城復懷黃樓

黃樓高下復誰識，白塔短長應得知。
萬里風煙歸傑作，百年雨露起深思。
文章自昔爲時忌，翰墨于今作世師。
從此江湖掩篷去，碧雲斜日數游絲。

泗水

泗水青於古蔚藍，因依碧藻淨相涵。
遊魚細數心空羨，活火新烹舌自甘。
可怪然犀望牛渚，底煩斬虎觸蛟潭。
清湍混混歸滄海，不惜臨流挽舊衫。

歌風臺

長安蘧醜恣猖狂，頭白翻思守四方。
不悟宮中有呂氏，卻憂身後有吳王。
老翁後嗣真癡弱，遊子故鄉空慨慷。
千古英雄多此意，荒臺清淺水微茫。

清明

水落渾黃風晦冥，不知節物是清明。
道旁新塚悲歡盡，柳下長亭聚散輕。
門靜鞦韆歸燕逐，沙寒笊簣過魚驚。
河南禁酒河陽飲，醉醒相看總有情。

宜遠樓

紫翠光中擁翠鬟，分明倒影落西山。
遊塵自逐鍾聲去，過雨能將月色還。
萬里關河新勝概，一天星斗舊躋攀。
絕憐

想像空題詠後會應須共倚闌

李學士畫壁初成席上分韻得毫字

春樹纖穠隱碧桃
秋山磊落湧銀濤
天邊雨露歸青障
物外煙霞入素毫
有客支筇臨水徑
何人解珮憶蘭皋
滄洲景物供題品
準擬淋漓奪錦袍

次韻危公遠道士

驪唐族孫與子爲年家

筆勢翩翩千丈坡
一天清遠佩飛霞
金莖欲採珠宮露
鐵箭能敲玉壁砂
人物滄洲憐我輩
冰霜喬木擅君家
百年此意知誰會
相視無言眼倍花

閉門積雪擁平坡
誰把餘醺散綺霞
掛瀑解裁天外練
熬波竟化海中砂
機心著物那成語
句眼論詩合到家
從此相親勝相望
不妨渴墨醉成花

再次韻

家世清聲起諫坡
江湖邂逅忽披霞
新姿正似三眠柳
妙語能爲九轉砂
杯寫黃封來禁道
窗留白醉近仙家
慇懃懸榻何時下
準擬寒空詠雪花

朱顏冰雪映瑤坡
清曉朝陽漱碧霞
神目豈堪容玉屑
聖胎端可化金沙
碧桃有實誰爲種
元鶴無心莫問家
可怪春風滿詞筆
硯池頻與滌冰花

游城南次韻陳玉峰

市橋水斷綠交加
簇騎隄尋處士家
坐聽蟲聲行木葉
臥看雲影落簷花
清晨采露筠籠重
薄暮沾春烏帽斜
一徑

寒英端手種好烹晴綠代煎茶

送真定任生

束髮從戎天外萍還家何事說飄零花前秉燭頭疑黑馬
上看書眼倍青倚劔獨憐今古月吹笳時憶短長亭故人
烏府頻相問一笑惟尋雙玉瓶

次韻史允叟殘菊

白鴈西風幾夕陽故園牢落是它鄉獨憐壽客三秋晚不
受元神一夜霜曉沐緩垂蒼玉珮晚糝愁帶紫羅囊凝香
淡院誰消得時許飛瓊點額黃

次韻元復初簡危公遠

客舍光陰幾驛亭天邊白日轉重溟擬將竹葉畱春住共

慰杏花隨雨零鶯入上林貪翠萼鶴旋華頂傲青冥十年
道舊元文學爲笑無心似水萍

蔡逢原編脩婦翁壽八十

堂堂經學古儒風三世相傳八十翁靈壽杖扶雲兩屐延
年水飲月雙瞳閒逢好客猶花下倦憶前朝似夢中閭社
從今誇盛集重行彩袖舞杯空

次韻陳無我題石窗故居

煙雨歸來別有春支頤曾作笑雲人還家未信三千里拂
石今看第幾塵往事黃梁方就枕多情白髮竟沾巾故園
未覺秋容淡畱取孤香次第新

夜別俞生

清客集卷十一
半秋歸夢常繚繞三十六雷煙樹重所居山名台人謂山高處爲雷欲別
祇看今夜月無眠更聽五更鍾青帘出市橋邊路白雁連
天海上峯聞道還家有新樂不妨雲榻臥高春

次韻正旦會朝

閨闔春迴旭日鮮花光搖曳珮僊僊金蓮漏下催初刻玉
筍班齊祝萬年香擁袞龍開黼坐風迴笙鶴舞鈞天朝元
法曲誰傳得歸醉蓬萊話日邊

送山人還江南

白雁南來愛朔風掉頭我亦一枝筇澄江去浪疑奔馬古
洞歸雲似伏龍釣石水移黃葉滿丹爐煙冷碧苔封從今
不說人間事更上峒巖第幾重

次韻田師孟詠牡丹

積翠瑤京玉作層笑餐承露議誰勝腰寬似稱黃金重心
巧終憐刻楮能蜀客錦機流水浣茅仙丹鼎彩雲騰道人
香色都忘卻月落空闌始一凭

交枝風動碧層層揮手芳塵謝不勝解帶暮雲眞韻勝斂
襟午日是驕能取青娥白憐雕鏤抱紫迴黃合變騰宮錦
競傳新拾得沈香亭檻喚誰凭

紫府淵淵十二層濃春如酒力初勝苦心似怨鮫綃薄敏
手難誇羯鼓能兩立無言慙委靡地行何術可超騰雲窗
烏几誰消得時許飛瓊月下凭

次韻師孟西曹卽事兼簡子貞儀曹二首

時議定律令

清容集卷一
盛世昭明復古初掃除弊事獨溫舒牛毛置令心徒徧鳥
跡遺文體本疎齊相避堂憐獄市鄭人鑄鼎泣刑書畫簾
一度薰風曲欲寫琴心愧不如

蕭疎門巷落花初楊柳陰中指望舒辨拙莫窮三耳晏塵
淡坐見二毛疎覆蕉得鹿非真夢點筆成蠅豈誤書慷慨
聽君人物論雕蟲我亦陋相如

次韻贈峩眉侯道士築宮江陵

白苧藤冠自在身獨看潭影認清真還丹已化千年雪玩
易重尋太古春楚觀江流通白帝蜀山雲氣接青神冥鴻
南北疑無跡萬里乘風問世人

次韻陳貴白中秋見懷

玉人海上振衣來一曲清商鐵笛裁碎露晶熒疑水立橫
雲缺落似山頽亦君端有鎔銀術西帝慙無斫桂才往歲
相思江北路夜闌會上望鄉臺

次韻鄭景尹詠梅十首

笑壓羣芳雪霽吟點粧詞筆補春林衝風曳白疑含笑暎
日抽黃轉苦心鐵石橫陳羣羽避冰霜獨立二毛淡阿戎
故是調羹種可爲閒情淚滿襟

醉倚孤根散髮吟他年鼎鼐出園林黃鬚雅相非凡種白
面清談豈素心湖月歌殘銀燭冷湘雲弄罷玉龍淡疎明
可是無春思角曉霜清整翠襟

幽人爲愛水邊吟雪滿疎籬月滿林魂冷不知莊叟化神

清難撓楚王心寒蜂戀蜜須猶綴霜蠟含漿色轉淡千古
湘纍詎無意廣騷從此酌靈襟

手題色筆朗飛吟雲佩衝寒入寶林雅操獨高淹海角微
陽初動識天心鏤冰嘗巧機猶淺切玉疑神用始淡回首
羣芳半麤俗倚風三嗅爲開襟

回首白頭悲故吟清愁萬疊起雲林東君密注非無意北
客相逢訝有心絳闕雲低珠藥迸碧潭風定玉徽淡色香
要是人間世更上凌虛始散襟

萬里相逢得放吟醉指雙目傲瓊林龍沙慘澹明妃怨漁
笛淒清處士心餐玉似嫌园甫冷笑雲應喜翠微淡何人
更作江南句翻使兒曹競挽襟

欲看南雪倚簷吟點檢春風第一林天與陽和誰借力晚
持精白轉虛心冰蠶半蛻眉猶溼凍蠟初銷淚漸淡夜半
花神應有語覆觴從此斷裀襟

梳風帶雨爲渠吟揮手唐昌陋鶴林壯髮初生齊映額童
顏已就靜齋心野蠶成繭輪困富玉兔抽毫刻畫淡莫遣
風姨強攘袂故教月姊與聯襟

十分淡酌十分吟烏帽枝筇故繞林月下無言疑背面水
邊獨立似傷心珠成蠟鳳王郎巧笙徹青鸞帝子淡歲晚
自知誰與伴風篁搖影互交襟

參殘霜急尙孤吟恍恍神游古躡林四皓局殘惟一色三
郎鼓罷了無心珠游鐵網青琅潤苔補虬枝壞衲淡擬把

鸞膠固青蒂未須殘雪墮衣襟

贈潘山人

夢中得前二句因續之

布襪青鞋今已矣看山舊眼碧淡淡空憐石馬駐荒塚不見金魚飛翠岑地鏡有書穿石乳土圭何術候天心行年七十足稱老牛臥前坡爲指尋

次韻景尹醉醺二首

光陰風雨短長亭花到春餘倍有情翠蔓倚松超直幹錦江綠酒錫嘉名蛻蛟纏影青雲聳幺鳳啼芳新雨輕白面郎君休翦綵好將椽筆賦西京

不將名字博西涼畱取餘春在一觴當展珠衣迎面立曲房寶曆捧心裝碧雲一色行明月翠幄千層護夕陽揮手

朱殷空爛漫敢將清思寄幽凰

可久齋二首

虛室心源百尺澄淡淡龜息養空清一川鷗鷺古儀表四海弟兄真性情璧玉誰人傳至樸鏞鍾何處問希聲苾鞋直訪苕溪上雪透梅枝鬪月明

三十六宮春不老何人月窟重推陳亭亭倚蓋浮空碧匝匝空輪颺素塵郢客詞工端自苦海翁機息可相親支頤擬問庖犧易笑指靈著似有神

送長洲江都史

官曹無事日提壺一榻淡明晝倚梧稻蟹水低歌拍拍尊鱸秋冷夢蘧蘧長年簿領慚錐子晚歲生涯羨木奴千里

布帆歸思好雁聲伊軋起菰蒲

昌上人游京師欲言禪林弊事甫入國門若使之
去者昌余里人幼歲留吳東郡遺老及穎秀自異
者多處其地以余所識聞若承天了天平恩穹隆
林開元茂皆可依止遂各一詩以問訊虎丘永從
游尤久聞其謝世末爲一章以悼

人說江湖少舊僧懸崖淡掛一枝藤採苔欲取千年魄擊
石曾烹六月冰天上星辰端歷歷胷中樓閣自層層相逢
上說前朝事知是松源第四燈
青鞋高掛天平壁指點雲門三兩峯禪榻已容黃葉覆詩
瓢從把碧苔封曉風殘月千村櫓細雨疎煙隔水春我向

京城疑老盡吳山清淺越山濃

獨木山寮不出門一瓶一鉢送朝昏巖迷鳥跡千崖泣松
吼龍吟萬壑奔掩息端如雞抱子愛閒屢見竹生孫海門
月落寒潮急準擬乘槎與共論

玉几峯頭第一枝老禪吃吃我深知曾將鐵杵敲冰骨似
怪鉛刀割密脾法外無心猶涉解句中有眼卽成疑袈裟
不展蒲團穩此是開元妙摠持

我識虎丘三十年精神霄漢鶻張拳機當危處卽燒印語
到盡時難續絃路涉兩岐空有泣溪流一滴竟無傳雙峯
古樹蒼藤冑時有子規啼徹天

手調千歲廣寒藥擬補月輪蟾已飛眼見昔人歸逝水心

清容集卷十一
憐志士惜殘暉孤花苦別生香樹急雪淡憐壞色衣爲愛
同鄉復同客絕慙同調不同歸

山人歸去意何如八尺方牀自卷舒側岸採茶敲石火隔
峯翦竹瀟清渠碧潭印月菱花鏡白雁橫空貝葉書後日
相尋定何處不於吳下卽康廬

次韻王繼學

蕭蕭寒雀下庭除一榻蘧蔭是我居雪後看山雙眼淨風
前攬鏡二毛疎退之掌制慙存藁

退之四十八歲知制誥
一年僅存崔羣戶部一
制余年相同
亦草一制

伯玉知非定止車淡愧年華增老大還家早

注故山書

除夜雪

黃雲黯淡夜如何晚勢參差更駁娑著地不隨人跡亂舞
空偏入麥苗多雅驚列炬穿珠樹馬趁初朝映玉珂歲律
詎隨人事改故將嚴冷轉陽和

元日朝迴

積素棱層厚載坤天雞三唱日初暎千官山立歸文石六
衛嵩呼徹禁門花帽舞風喧法曲椒觴承露湛皇恩新年
欲奉瑤池對願借扶搖與化鯤

萬國梯航滿禁衢卉裳象譯語音殊鳳簫聲送纖腰舞雉
扇行分兩翼趨花氣欲浮金鑿落雲光疑下錦流蘇詞臣
不識金泥祕指點薇垣頌六符

偶述末章答繼學

清容集卷十一
承明三入竝時流俯仰深慙此地游誰謂東南無美箭極
知西北有高樓韋編舊學陰陽祕汗簡功深歲月修三史
如山詩思少那能走馬過長楸

金鑾淡處是家氈玉雪青春不負賢會見鳳毛能掌制定
知鱗角可膠莛浮榮芻狗寧居後曲學雕蟲敢避先慙愧
南州徐孺子每看塵榻屢潸然

雪後

畫角初消已弄晴曉看突兀眼偏明寒窗駐景成虛白凍
樹裁春點素瓊北戶埋藏疑有跡南枝搖曳若爲情憑君
欲問飛雲巧水白白雲山白橫

送李署丞歸許下

春風得意故還鄉月白霜清傍曉裝燕領定承新鳳詔馬
蹄猶戀舊鷓行溪邊父老欣相過燈下兒童訝已長我亦
辭家經一載青天歸雁攪離腸

五老堂

鬢眉雪色古儀容五老雍雍氣象同菊水定知延上壽桃
源今解識高風弟兄黃卷傳儒素姊姒青燈教女紅慣說
前朝征戰事醉拖筇竹數歸鴻

送河中段惟德應奉除西臺御史

千年青簡正紛如還著鐵冠歸故居妙筆醉欺紅芍藥丰
姿鮮映玉芙蓉過家上塚爭驚喜拄笏看山任卷舒試上
樂遊原上望綠陰芳草正扶疎

韓參議家慶圖

叔祖暨父各九十

丹泉為醴菊為菹的的厖眉似畫圖萬石齒高勤澣洗二
疏年竝得歡娛兵前父老難尋伴眼底孫曾總業儒欲向

碧桃花下醉斑衣紫綬兩相扶

吳成季父母壽八十

延陵季子古高賢雲耳于今壽種傳有道定知真有子齊
眉更喜復齊年蒼龍雙擁宮醪湛白鶴重歸丹井鮮自是
君家多孝感玉杯甘露會羣仙

吳猛事父母至孝後有玉杯甘露之感

白雲平章致仕

曉看明鏡欲休休萬里功名陋虎頭絳闕直辭黃鵠貴白
雲終伴赤松游侍臣傳禮真殊遇退傅揮金得自由盛代
東封催告禮更須元老侍垂旒

寄題成都李御史萬竹亭

亭亭萬竹封侯貴聞說西州植此人風送笙竽聯雅奏月

留鸞鵠寫清真山頭密護千年雪地脈潛行八月春

舊譜言竹

鞭八月西行

欲上岷峨揆游事煩君指點浣花津

送鄧君用教授歸廣信山

光陰那俟日懸車拋卻荷衣卽故吾置對直如朱伯厚退
休還似邵堯夫白鷗遠水清秋鏡紅葉前峯落照圖耆舊
卽今同逝水早將鴻筆爲傳模

以謝疊山黨下獄

壽李承旨二首

兩曜迎陽合璧時
非君乘瑞佐昌期
閣中像有功臣贊
圮上書爲帝者師
碧眼閱人如水鑑
丹心許國有天知
歲周甲子今重轉
消息梅花第一枝

清時得意恣逍遙
雪色鬚眉兩鬢饒
碁局春風淡閉戶
酒樽涼月獨吹簫
豹韜袖手終傳采
鳩杖無心強造朝
門外種松今百尺
它年爲我掛山瓢

安西老人

方瞳如漆耳輪高
喜見曾孫守碧桃
鳩杖月明尋枸杞
鳳簫春暖醉蒲萄
故人天上方蟬冕
老子山中但豹韜
欲問汝南耆舊事
且乘龜殼把雙螯

早朝興聖宮次韻

萬馬東西甬路斜
銀河初曙起宮鴉
天香隨輦凝三素
風絮沾袍點六花
銅史漏浮催卓午
玉奴聲轉進流霞
詞臣點綴瑤池事
底用秋風海上查

次韻周南翁退朝三首

蹕道聲迴覲后皇霞旌雙引拂朱光龜臺新按霓裳曲獸
鼎重然甲煎香歌板遏雲穿泱泩酒車流水度汪洋重輪
瑞世思齊聖傳信應須屬子長

雉尾高張擁玉皇彤庭金榜粲明光舞階飛絮傳滕六執
衛傳臚轉阿香珠帽簫聲雙窈窕翠旌雲影互方洋侍臣
誰近前螭立願紀堯年化日長

蛾眉斑立肅皇皇恰匝松陰陋午光舞翹當軒初進酒表
函登陛促傳香六龍捧御雲中日三象輪瑛嶺外洋欲識
兩宮清淨理薰風殿閣漏初長

和游岡子原韻

棠花淡淡柳花濃岡子原頭立晚風三月雨聲人共喜一

樽春色我難同麒麟臥草青山外騾裹穿雲綠樹中晚歲
滄江情不盡想看清淺數鳧翁

用早朝韻酬伯生試院見懷

玉署松深月半斜研朱和露勘塗鴉射熊心苦穿楊葉吐
鳳聲清飽竹花過眼似迷三里霧騰身誰上九層霞故人
掉首南山去應釣秋風漢水槎

酬周南翁子二首

小榻燈殘雁影斜詩成重點墨如鴉臯禽警露呈三疊天
馬追風翦五花郢客有才歌白雪湘纍無計佩飛霞璿源
自是天邊路不用羸糧學泛槎

碧箋長短鬪車斜玉雪青春髻似雅博物已知窮海棗苦

心端欲鏤冰花山中伐木鳴搏黍馬上看塵起落霞健羨
雲窗無限好慈烏雅雅鵲槎槎

送儒醫何大方歸信州

雙槽鵝鳴野水高天風落葉響林臯空堂桂露流金乳舊
鼎鉛霜長玉膏丹府久虛存夜氣上池新飲察秋毫山中
猿鶴驚相問可爲緇塵染素袍

次韻周南翁拜孔林二首

陵廟陰森佳氣蟠湯湯洙泗接淵源硯傳昔日王官得履
憶當年漢庫存手板文裁楷舊植髮冠香守檜殘根唐文
皇以
孔林楷木裁手板賜十八學士鄉中張參政
家猶存金匱檜焚士大夫廡檜根爲韜髮冠羣經日月行
天地萬古韋紳沐聖恩

山簇平林野水清整冠下馬得徐行壇空尙憶風雩樂宅
近惟聞金石聲環珮齊趨文有度豆籩初秩禮爲程百年
雨露同車軌郡國千官奠帛生

贈豫章蔡黻歸里

以鄉舉不
中來京師

抵掌彈冠謝未能立談白璧且擔簦厭聽長衢三尺雨愁
飲淡冬半片冰冠蓋情傾年運往簡編心苦歲華增去來
聞見冥鴻迹岸幘雲峯撫大鵬

次韻院長題趙崇德脩撰玉簪集

誦君家世倚樓句不似玉簪畱詠淡鳳髓獨傳天外寶裏
蹄端出水中金停盃蘸甲難陪和對鏡搔頭敢擬尋可是
因花攪情思相君題品的知音

送朱本初住玉隆萬壽宮

聲華文采動公卿，忽縮烏條出帝城。眯目簿書空汗漫，飛空樓閣正崢嶸。浮雲變態西山盡，往事灰心北斗驚。可作蕉池談笑住，瑤壇笙鶴夜溪清。

寄城南友人

三入承明願已酬，蓬瀛又復接清流。碧殘時寫飛花恨，寶瑟曾傳細雨愁。夢繞故園追過雁，眼穿鄉樹認歸舟。荼蘼落盡啼鶻急，慙愧羣公得縱游。

寄史允叟

故國王孫佩碧蘭，春雲涼月倚朱欄。玉簫曲趁鶯聲轉，金鼎香隨蝶夢殘。碧沚波清堪把釣，黃塵風急倦彈冠。外家

文采唯君在，笑我冰髭跨曉鞍。

寄陳文卿

窗對平湖柳對門，隔鄰鍾磬送昏昕。水煎菊本傳家舊，醅壓桃花勸客醺。擬向蠻溪誇矍鑠，爭如月窟養緼縕。通家欲說先賢事，兩岸書燈點點分。

寄蔣遠靜

金紫家甄五百年，城南喬木儼蒼然。久知華屋慙卿長，可向溪盃品聖賢。虛白衣窗刊墨譜，硬黃冰硯補瓊篇。年開六袞未云老，桂斧重脩月定圓。

寄鄭景尹

太傅東山臥白雲，經籬勤拾付諸孫。玉堂舊制毫芒見，黃

闔溪功百一存舊見中興玉堂稟金盃宅淡春雨暗烏衣

寄開元恩禪師

恩公遯跡閭門寺欲下繩牀謝不能露滴花光珠五采月
涵江影塔千層石榴紅帽明如火海艾青氈冷似冰俛首
西山人物論獨聽孤雁對殘燈

寄本中峯

天日峯前萬石蹲坐看晴晝白雲昏山河有象百神泣鍾
磬無聲兩足尊古澗老猿啼子母荒林野葛斷兒孫空王
法藏誰傳得不展袈裟不出門

題郝伯常雁足詩

淡羈孤館鬢毛斑猛虎搖鬚障海寰玉樹已歌歸逝水羽

書難射隔平山不須鞞乳終回漢可學雞鳴詐度關一寸

蠟丸憑雁寄明年春盡竟生還乙亥四月放還

霜落風高恣所如歸期回首是春初上林天子援弓繳窮海曩臣有帛書中統十五年九月一日放雁獲者勿殺國信大使郝經書于真州忠勇軍營新館中統十五年乃至元十一年明年奉使還

送王景先赴燕南僉事

一疏朝天罷柄臣河南井邑萬花新繡衣暫著明銀漢青
鎖初辭戀紫宸朝膳平反娛壽母露困直指活飢民清時
經濟須公等佇見鋒車入覲頻

小院四月十二日牡丹始開乃單臺花也余將上

開平作詩示瑾

暖風吹雨佐花開送我灤陽第四迴內苑賜曾傳側帶舊賞

花宴有大側帶小側帶江南畫不數重臺徐熙牡丹無重瓣者至崇嗣始有之重臺婢之下者

見常談云耳迴黃抱紫傳真訣媼白抽青陋小才自是妖紅居

第一它年折桂莫驚猜韓魏公牡丹詩自慙折桂輸先手羞殺妖紅作狀元魏公第三王堯

臣第

初夏即事

斜暉庭院樹陰移翠蔓交加靜對宜幸有花王能引酒慙
無草聖助題詩雁隨雲影還鄉近燕惜春光築壘遲蓴滿
東湖嘗不得笑看羊酪寫相思

壽椿堂爲王正臣作

嘉樹婆娑十畝勻笑扶靈壽日千巡風迴空籟笙竽轉雪
壓長柯鐵石新欲從六龍遮赫日佇看五鳳舞長春銖衣
拂石方成劫似笑莊生說未真

送湖廣萬戶

壯歲軒騰碧海鯤英姿玉立暎朝曦昔司魚鑰曾通籍今
佩麟符暫偃藩渚對紅蓮便羽扇岸臨朱橘傲清尊郢宮
疑在平蕪際爲瀾蘭湯些楚魂

次韻宋誠夫二首

風雨寒簷雞報晨書聲盡歲徹比鄰食貧不作三千客射
策端爲第一人吳郡壯游追子美楚宮陳迹酌春申少年
覽歷真奇絕似勝宣尼厄在陳

蹇驢入局走寅晨落月相隨擬結鄰鴻蹟鉅編侔古帝虬
鬣英貌想天人亥書淡恐經三寫乙令何妨著五申明世
經綸須國士它年宣室願前陳

高內宰母漁陽郡夫人李氏表門

高門槐柳綠陰勻鶴髮浮光釘坐新繡出人間金孔雀孕
成天上玉麒麟萱花北戶丹心爛竹葉初筵素臉真曾向
瑤池侍清讌碧桃傳種六千春

壽劉彥良宣慰母夫人九十五

英英壽母步蹁躑疑是瑤臺墮地仙眼見九朝全盛事身
經三世有餘年百壺傳賜黃封溼束帛如恩繡段鮮指點
斑衣聽訓語清忠報國紹家氈

送湛師校經回杭

寒峯雲聳翠霏凝蹙著青鞋侍帝庭貝葉頻刊塵几淨天
花新墜寶臺馨雨翻荷露閒鷗立風攪松濤睡鶴醒絕世
樞機真止水從今掩息畫堂扃

送雪竇長老校經回里

翠鎖松關疊疊高坐看明月負金鼇已將禪板傳心印暫
下繩床披毳袍聖諦無聲機獨露經筵有誤目難逃塵中
白髮誰消得歸掩山寮聽雪濤

送董教授之淮南主簿

爲上都教授多善績

五月寒淡冰滿鬚碧天雲冷竟何如聽駝度磧心彌折隨
雁還家計未疎禮殿競傳周籩籩論堂新整魯詩書明年

又作淮南客蘆荻叢溪看捕魚

寄上都子貞伯庸繼學三學士

侍臣親切見銀河不用虛無八月槎蟬報早秋歸木末龍
拖殘雪度山阿琵琶雲冷相思切蹀躞泥溪獨立多今歲
同行詩壘壯飛觥擊鉢正橫戈

遠客三年親友簡絕獨開元鄰僧以書茗相寄

廿載神京汗漫游玉堂淡處得無愁隨龍北上迷三伏送
雁南歸憶九秋親友共嫌疏問信律師屢約勸歸休南湖
出日西湖月應許明年共泛舟

進史明仁殿書事

大帝仁功徧八寰敢將鉛筆強脩刪寶輿花覆簫聲趁黃

道松分佩影環仗簇金吾開雉尾香浮黼坐仰龍顏還家
陡覺詞臣貴獨恨年淡鬢已斑

寄開元奎律師

雙塔亭亭透夕陽芭蕉淡處碧窗涼江神夜聽光明偈天
如朝分解脫香齋鉢午空烏守樹經臺雲冷鶴歸房平生
欲結西方社似怪淵明作吏忙

伯庸開平書事次韻七首

沈沈櫻殿內門西曲宴名王舞馬低桂蠹除煩來五嶺冰
蠶卻暑貢三齊金罍醕重凝花露翠金膏浮透杏泥最愛
禁城千樹柳歸鴉揀盡不曾棲

尙方新製玉東西一曲生香舞袖低閩苑春濃巾角溼巫

山雲冷帽簷齊前行按曲停檀板內直催宣印紫泥可是
年淡慵應詔道人自愛碧山栖

身如病鶴倦梳翎往事猶存舊汗青伏日賜冰來上苑晚
風傳竹度疎櫺承恩裁詔心抽繭落筆誅姦眼拔釘惆悵
當今人物論披衣危坐望晨星

客子光陰疾箭翎徘徊玉署愧紆青當堦翠影翻紅藥連
瑣回紋認綠櫺賦擬卿雲羞軋茁文追班馬黜灰釘北門
英彥珪璋重朝論詮量比秤星

的新愁漲碧波可堪跋馬上危坡明知風伯秋當路更
候天孫夜度河沙磧共傳歌敕勒陰山那復見延陀周廷
王會須椽筆慙愧陳人奈老何

馬足曾窮五色河更將舌本品浮槎新聲促軫傳三疊寶
構懸鈴鎮四阿短榻雁來愁不奈小窗人去酌母多白頭
慵作東封頌願效諸生賦止戈
侍臣底用賦明河西海曾看貫月槎向矣伏蒲移塞外終
然加璧耀山阿羨君一鶚孤難竝愧我雙鳧數似多舊讀
韜鈴工七縱裏瘡從此願投戈

送梅叔章官東流簿

江水東流八百里縣市南遷五十家寒蘆捲風散晴雪野
燐照川成暮霞眼看平楚堪舉酒睡足高春方打衙都官
之孫詩有種玉板日給飛龍蛇

次韻景尹觀菊

清客集卷十二
二十七十六
輪郭團團漢五銖身輕疑食碧雲腴翠粧建纛煙疑紫金
粟搔頭露迸珠初日正宜催玉立清霜那使作銀鋪城南
兄弟空相憶插盡黃花更插萸
託根不復辨殊方朶朶參差列雁行曠日巧心端補袞迎
霜生面似含香飛英獨佩疑湘浦笑靨初鈿陋壽陽惆悵
千林正寥落故將清冷鬪秋光

送杜輝卿還蜀

浣花溪上水粼粼化治能爲五色春奇錦鶯穿金婀娜粉
箋花印玉精神百年文物毛錐舊萬里車書馬足新仁壽
堂前乾鵲喜綵衣歌舞動比鄰

送石上人還江西

圓帽方袍入帝都秋風惘惘意何如雪飛北口蘆花絮雁
落南空貝葉書聞見迴忘雙舴艋行藏無住一籛條南泉
安眾千五百從此跣趺滅太虛

送李巖夫四川譯史

玉雪精神映彩霞清秋馳坂忽還家心聲珠貫通三象目
力機淡洞五羆青簡世傳端合繼黑頭早貴實堪誇子雲
猶有江邊宅好續方言振國華

紀生書經罷歸還里

烏帽椶鞋四十程北懷鵬翼決南溟定須金匱題銀管不
羨鴻都寫石經落葉行堦疑急霰流螢穿樹似疎星白頭
病客思歸切欲別無言酒易醒

示皇甫生

矻矻窮年皇甫生。眼瞳如漆映書明。神清古鑑金莖露。佩
雜寒英玉井璜。曷谷久知螢爝陋。丹山深愛鳳雛清。玉堂
老叟端歸去。龍榜蜚聲遲子成。

再送紀生

荆國書臺有紀生。眼穿紙背倍分明。聲音雜比昭華瑄。跬
步周旋夏后璜。賦律意淡慙篆刻。詞華情近忌輕清。老來
贈語多謬誤。歲晚相期玉汝成。

鄉友南歸客舍淒然再次韻

雙槩迴波沒復生。人隨帆影去邊明。愁雲亂疊敷重席。寒
月初弦掛半璜。漁泊汶橋煙樹暝。賈團淮浦海潮清。方牀

獨坐愁無著。萬籟笙竽奏九成。

睡覺東西書燈猶明喜勉元達兼示瑾子

兩家間見參臺閣。諸老論思聳廟堂。莫畏大名辭繼紹。願
超凡子脫輕揚。文章正始師先漢。格律黃初謝晚唐。師友
淵源端有緒。老夫推枕起論量。

省中議事回元達有詩次韻

烏帽黃塵久帝城。紫薇深處得陪行。擬將直筆酬延閣。欲
抱遺經進邇英。老去病多傳桂酒。秋來情重憶蓴羹。蕭蕭
易水聲悲壯。不盡襟期白髮生。

馬伯庸以詩餽免次韻

閉門滕六散銀星。對坐罌罍白玉屏。琴匣冷光棲綠綺。壁

騰寒談起青萍凍。雲縹緲。迷圓嶠。小酌無何入大庭。知我年來雙眼眊。特分明視了殘經。

十一月十四日駕至京城楊仲禮有詩次韻

金輿清蹕發龍城。乾雪坡陀甬道晴。師起晉陽戈盡倒。令傳代邸轡徐行。鸞皇合奏雲光遏。龍虎交章曙色明。欲認雞翹新法從。駝車漢處聽鈴聲。

題馬氏先塋記後

曹子貞求作自崇寧傳至今

衣冠異代劫灰平。眼見佳城歷變更。曲水護田成委佩。纖峯當戶似疑兵。玉蠶零落威王塚。石馬縱橫晁氏塋。盛德獨傳三百載。好將遺事迹新銘。

甲子立春

泰定元年新甲子。天門上聖啟瑤圖。日融凍樹青煙簇。土坼晴蔬碧雪鋪。五鳳彩樓催羯鼓。雙龍絳闕勘魚符。侍臣廿載題春帖。從此歸休拾澗蒲。

瑾次韻復成爲隱居計

京塵二紀榻蘧條。近喜家兒報宅圖。移石近堂雲亂擁。栽梅當徑蘚重鋪。畱春定合箋花譜。品水應須置竹符。皕皕南山看積雪。青青古澗玩新蒲。

病中玩易復次韻

丙寅老人五十九。猶是先天第二圖。桃竹杖輕藤杖換。蘆花絮冷柳花鋪。當陽山立隨羲御。後夜尸居奪晉符。已識羲皇真太極。不須黃獨與蒼蒲。

三次韻

濟勝閒身倩給扶。家林應許畫爲圖。空巖有象飛泉舞。古
徑無蹤落葉鋪。壯歲思仙尋火記。暮年制氣習陰符。松花
一七能消得。猶憶南州筍及蒲。

武氏母八十

元髮離離聳黑鷗。桑田滄海事如麻。魚穿冰腹宜供饌。泉
躍江心可煮茶。烏繞楔門爭玉樹。鸞開錦誥印金花。閒居
欲效潘郎賦。準擬家園製小車。

安山曉泊

兩袖飛仙舞玉龍。曉來朝嶽日華東。門當楊柳灣灣碧。水
貼芙蓉岸岸紅。隔艇茶香知楚客。連罾魚熟總吳儂。白頭

已忘干戈事。不用乘軒問土風。

發御河

一棹黃流去。復回飛沙積。岸雪皚皚。梨花亂逐沙鷗起。燕
子淡隨野馬來。晚歲宦情初岸幘。暮雲鄉思獨停盃。茶蘼
滿架畱春住。知我將歸爲緩開。

次韻砥平石

金門吏隱愧相如。歲月逡巡翰墨疎。拄笏有時看白雁。濯
纓無復戀金魚。倦游築室成真隱。作意還山了舊書。更與
老禪淡結社。平生黑業總消除。

次韻謝定水

禪板蒲團振祖風。故將妙語起衰翁。青氈舊學慙多缺。玉

佩清朝愧罔功直以簡編窺往聖敢將翰墨擬宗工壯年
永感辭庭訓晚歲何由繼五公

次韻昌國宗聖上人

海上秋潮候月生島中瑤草不知名每思大士超禪觀獨
恨秦王苦望瀛龍吐戒珠殘照影雁橫梵宇故鄉情妙年
碧眼才翻錦爲念衰翁強入城

贈徐秀才還里

西風擁騎出前郊紅葉玲瓏透遠坳家近不須傳雁帛縣
閒曾是用牛刀蜚聲展綵春眠柳文思裁珠夜泣鮫師友
淵源吾豈敢會看翡翠聳林梢

送劉明叟治鹽事還省

海上銀沙百鍊成年年飛騎走縱橫人傳一馬二童至春
在十洲三島生烏帽多情簪菊藥瑤琴有意送潮聲經綸
滿腹須時用早上囊封致太平

次韻荅西山道逢原

招提遠在岩巖上曾有耆龐說法來灑灑玉泉澄戒鉢團
團翠柏護經臺平疇隔水橫碁局遠嶂飛空擲酒盃聞道
幽人經論罷支頤掩息獨徘徊

送章仲和教授之官池陽

亭亭秋浦玉芙蓉無限樓臺落照中定見揮毫題妙句更
須拄笏繼高風當年故壘遺金鏃此日清溪漾碧筩人世
機心何日了持觴爲酌九華公

梅隱齋

萬藥疎明鐵石堅，可同餘卉鬪芳妍。青雲覆幕冰承柱，白玉爲堂雪作氈。橘叟不知身外事，壺公唯識洞中天。何人欲問調羹法，一榻蒙頭謝醉眠。

次韻鄭景尹重九四首

年年京國度重陽，禁路風高徹骨涼。坐覺衣寬藏宿土，行疑靴冷怯新霜。紫萸曾憶童時佩，黃菊須看歲晚香。惆悵東山在何許，挑燈無寐坐方牀。無復金狝與覆羈，屢看秋月缺還圓。風塵自覺真衰矣，勳業深思盍舍旃。烏帽塵荒憐遠客，白衣酒熟慰癯仙。淡慙涉世脂韋久，強項何能效董宣。

還家兩歲見重陽，過雁橫空拂曉涼。尙憶傾心朝午日，欲將勁節拒朝霜。禽魚有樂隨天性，蜂蝶無知戀晚香。從此林間端見一不妨，枕易睡匡牀。

久矣懸車徹坐羈，天機渾沌黜方圓。披沙經窟知非矣，秉燭書林尙勉旃。愧我詞華端近俗，愛君詩律已通仙。門前種菊高如許，亦欲紛披五采宣。

齋前海棠秋日著數花瓊首賦詩次韻

四山紅葉報秋殘，駐目家林認未端。螢點流星驚乍曉，鳳銜初日怯輕寒。鮮鮮敏手攢新錦，爛爛芳心吐故丹。西帝已能回藻景，爲言莫作杏花看。

金祇當御眾芳殘，忽見奇葩表樹端。霞臉已拚千日醉，絳

清溪集卷十二
唇自怯五更寒燈籠錦就霞衣帔箭鏃砂成寶鼎丹政此
淒清端慰藉停盃擬作百回看

次韻吳門聲上人

翠樾經院多高人

景德寺有翠樾方丈

碧窗點翰五采新天機不受

梁燕語逸興直與江鷗親羨君解衣浣流水愧我束帶陪
禁宸屈指當今人物論從此有約同垂綸

至人天隱樂有餘良玉不願爲雕璣昂昂盤石大坐相杳
杳歸雁旁行書白蓮解結碧雲座綠蕉不羨青葱裾道人
繙經悟空假始信塵世非真如

憶雙溪

清溪明處水交流萬井鱗鱗冠蓋稠杯凝玉光明月入幕

遮翠影落花畱雲生古洞千山雨風送層樓萬壑秋麗澤
祠前最佳絕藕花零亂勝滄洲

寄張希孟內翰

君方習隱食翠柏我亦採真歌白蘋千嶂遶樓堪岸幘百
泉當戶足垂綸蓴鱸水闊滄洲晚稻蟹田肥澤國春日夕
相思看過雁客來無惜寄書頻

清容居士集卷十二

西子山雨風發佩聲萬壑松風

